

Na osnovu člana 32.stav 1.Zakona o komunalnim djelatnostime («Sl.novine TK broj:11/05) i člana 49. Statuta općine Živinice – prečišćeni tekst («Sl.glasnik općine Živinice» broj:4/01) Općinsko vijeće Živinice na sjednici održanoj dana 21.12.2006 godine d o n o s i

O D L U K U O UTVRĐIVANJU VRIJEDNOSTI BODA KOMUNALNE NAKNADE

Član 1.

Vrijednost boda komunalne naknade po osnovu izgrađene korisne površine za stambeni, proizvodni, poslovni prostor, te za otvoreni prostor-skladišta, stovarišta, pijace kao i za drugi otvoreni prostor koji neposredno služi za obavljanje djelatnosti prema jedinici mjere (m²) građevinskog zemljišta, iznosi :

-Za proizvodni prostor visina boda iznosi.....	0,0035	KM
-Za poslovne prostore preko 300 m ² visina boda iznosi.....	0,007	KM
-Za poslovne prostore do 300 m ² visina boda iznosi.....	0,01	KM
-Za stambeni prostor visina boda iznosi.....	0,001	KM

Član 2.

Za izračunavanje visine boda za garažni prostor, za garažni prostor i vikend objekte koji se koriste u druge namjene, za neizgrađeno građevinsko zemljište kao i za izgrađeno građevinsko zemljište primjenjivat će se odredbe. 2, 3, 4, i 5 člana 29. Zakona o komunalnim djelatnostima Tuzlanskog kantona.

Član 3.

Za određivanje zone u koju se svrstava obveznik plaćanja komunalne naknade primjenjivat će se Odluka o građevinskom zemljištu broj : 010-05-2821/2003 od 27.06.2003 godine („Sl.glasnik općine Živinice“ broj: 7/03)

Član 4.

Vrijednost boda komunalne naknade iz člana 1. i člana 2. Odluke o utvrđivanju visine boda neće se primjenjivati na područja na kojima nema organizovanog pružanja komunalnih usluga pri čemu se subjekti pomenuti u članu 1. i članu 2. ove Odluke na tim područjima oslobađaju obaveze plaćanja komunalne naknade.

Od obaveze plaćanja komunalne naknade oslobađaju se subjekti koji se finansiraju iz budžeta i objekti vjerskih zajednica koje služe za obavljanje vjerskih obreda.

Ostvarena sredstva iz člana 1. ove Odluke ulagat će se tako što 30% sredstava pripada mjesnim zajednicama koja će biti utrošena za infrastrukturu putem Službe za stambeno komunalne i urbanističke poslove općine Živinice, a na bazi planova i programa mjesnih zajednica, koje su dužne dostaviti Službi za stambeno komunalne i urbanističke poslove

najkasnije do kraja marta tekuće godine. Eventualno ne dostavljanje plana i programa mjesne zajednice Službi do određenog roka smatrat će se da ta mjesna zajednica nema potrebu za ovim sredstvima, i u tom slučaju Služba može ta sredstva preusmjeriti na ulaganje u infrastrukturu drugih mjesnih zajednica. Služba za stambeno komunalne i urbanističke poslove općine Živinice dužna je pismeno obavijestiti Mjesne zajednice o obavezi dostavljanja njihovih planova i programa o ulaganju u infrastrukturu, do kraja februara tekuće godine za tu godinu.

Član 5.

U toku godine vrijednost **komunalne naknade** usklađivat će se prema kursu Eura ukoliko dođe do inflacije veće od 10 %, a prema Odluci Općinskog vijeća.

Član 6.

O izvršavanju ove Odluke starat će se Služba za stambeno komunalne i urbanističke poslove općine Živinice.

Član 7.

Ova Odluka stupa na snagu danom donošenja a primjenjivat će se od 01.01.2007 godine i bit će objavljena u «Službenom glasniku općine Živinice».

Član 8.

Stupanjem na snagu ove Odluke prestaju da važe Odluke broj : 010-05-2467/2005 i 010-05-2468/2005 od 26.05.2005 godine objavljene u («Sl. glasniku općine Živinice» br:3/05).

Bosna i Hercegovina
Federacija Bosne i Hercegovine
Tuzlanski kanton
Općina Živinice
-Općinsko vijeće-
Broj: 010-05-5772/2006
Dana, 21.12.2006 godine

**PREDSJEDAVAJUĆI
OPĆINSKOG VIJEĆA**

Fuad Nurkić s.r.